

AQUA SALSA DULCORATA

No - c. 53.

SIVE

Accurata novi hujus arteficii,

QUATENUS TUM MARIS,

tum Portuum Incolis, utilis,

DESCRIPTIO.

ACCESSIT PRÆTEREA

Plena omnium alicujus momenti contra novum

HOC AD INVENTUM OBJECTIONUM

SOLUTIO.

NEC NON

Approbatio Collegii Medicorum Londinensis.

Epistola denique Honorabilis Roberti Boylii  
hac super re ad Amicum conscripta.

---

LONDINI,



Impensis Edvardi Brewster ad Insigne Pelicani  
in Coemeterio Paulino, 1687.

AGASSA DUCORATA

SIVE

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

AGASSA NOVI HOMO AGASSA

GLASGOW  
UNIVERSITY  
LIBRARY:

**SERENISSIMO**  
**PRINCIPI**  
**Carolo II.**  
**MAGNÆ BRITANNIÆ**  
**REGI.**

*Serenissime Princeps.*

**Q**uando, non ita pridem mihi una cum  
 Domino Boylio Collegisque meis, Ma-  
 jestatem tuam, de aqua salia in dulcem  
 convertenda convenisse licuit, rem tanta, tamque  
 publicæ utilitatis iis animentis animi indicis

*Majestas tua* excepit, quæ humillimas jam à nobis gratiarum actiones merito reposcant : quia tamen nec tam oculato Principi, judiciumque adeo limati imponere quisquam potest, nec *Majestas tua* quicquam nisi certum, confirmatum, atque undique firmum unquam approbat, propitiam novo huic Adinvento Sententiam eo usque differendam putavit, dum per otium rem plenius totam, attentiusque examinaret : ubi autem præcipuas, quæ occurrebant removissemus difficulates, omniâque alicujus momenti, ut infra patebit, objecta diluissimus, placuit *Majestati tuæ*, nostra in commune bonum consilia probare, rataque, ac fixa habere, concessis etiam, quas summâ animi demissione, gratitudineque accepimus, *patentibus* Litteris tuis : ne tamen Speratum ex suscepto à nobis negotio meteremus hætenus emolumentum, quædam, remoræ instar obstitere ; præcipue tamen obstitit, præter quasdam cujuspiam Suggestiones, horrenda illa, ac sacrilega, quæ exin haud ita pridem



pridem feliciter detecta fuit, conspiratio: rei  
 siquidem atrocitate, vehementius ut par erat,  
 commoti, rerum nostrarum curam seposuimus,  
 ut divinam circa Sacræ Majestatis tuæ tutelam  
 mirabundi, aliquantisper contemplaremur pro-  
 videntiam: neque enim, negotium hoc urgere  
 tum temporis decebat, imo officii nostri ratio  
 à nobis exigere videbatur, ut hâc super re, eo  
 in rerum statu qui funestum adeò quid tribus  
 hisce regnis minabatur, nec apud *Majestatem tu-*  
*am*, nec consiliarios tuos, imperiique hujus mi-  
 nistros ulterius quidquam moveremus: at dis-  
 sipato jam magnâ ex parte timore nostro, soli-  
 óque tuo dei gratia tuâque Sapientiâ firmiùs  
 stabilito in dies, supplices iterum ac venerabun-  
 di nostros *Majestati tuæ* consécramus labores,  
 tum quod ad neminem potiore jure pertine-  
 ant, tum quod quicquid tu, *Princeps Serenissime*,  
 semel probâris, non possit non esse vel maximi  
 per totum terrarum orbem ponderis, ac mo-  
 menti: Sed nequa Domino Boylio injuria fiat,

totum hoc opus eo majore speramus cum applausu ab omnibus accipiendum, quod ipse, ne quid ampliùs dicam, præcipuus ejus promotor extiterit: tanto certè dignum ingenio, genioque tam benigno molimen: quicquid enim inde vel patriæ, vel reliquis mortalium nasciturum sit emolumentum, non aliam ipse sibi mercedem, quam publicam cui unice studet, utilitatem, proponit: Et certè fieri omnino nequit ut non plurima, maximaque hinc navigantibus oriantur commoda, tum in diuturnioribus navigationibus, in quibus ob tranquillum sæpe mare, aliòsque subinde casus destituuntur Navigatores aquâ, tum etiam in portibus maritimis quî salubrioris aquæ dulcis penuriâ laborant: adde quod exiguo labore, nec magnis impensis aqueæ hujus ope machinæ aqua pareretur saluberrima, ut fufius his è Schodis patebit, quas ad *Majestatis tue* pedes

[ 7 ]

pedes supplex advolvitur, tutela tuæ ac nomi-  
ni, dedicat, vovet, consecrat.

Subditus

Majestati tuæ

Devotissimus

R. Fitzgerald.



Cum

*Cum ex iis quas Regi venerabundi inscrip-  
simus litteris, propositus huic operi scopus  
satis superque elucescat: superest ut quæ-  
dam circa salubritatem, usum, preti-  
umque hujus aquæ dubia removea-  
mus.*

**Q**Uæritur itaque 1.° utrùm ea hujus aquæ  
copia identidem fieri possit, quæ in om-  
nes navium usus abunde suppetat.

*R.* Nonaginta circiter aquæ Congii vigin-  
tiquatuor horarum spatio obtineri poterunt in-  
strumento sub navium foris reponendo, cu-  
jus diameter pollices triginta & tres vix ex-  
cedat: jam tres ad summum quartarii cui-  
vis per id tempus ad usus necessarios satis  
erunt; Si autem capacior navis, in qua pluri-  
mi forte vectores, aquam copiosiore requi-  
reret,

reret, tum duo, plurave instrumenta, quæ vel unus regat, æquo comparari pretio poterunt.

Quæritur 2<sup>o</sup> utrùm, si operatio ignis ope peragenda sit, perito Chymico quovis in navigio, opus necne sit.

R. Quilibet Nauta horæ unius, alteriusve spatio, qua preparari hæc aqua methodo debeat, facillimè addiscet.

Quæritur 3<sup>o</sup> quid facto opus si quis hanc Machinam casus perverteret; non semper enim adsunt in navibus, periti, qui reparent, artifices.

R. Eo hæc Machina artificio constructa est, ut verosimillimum sit eam nunquam fore irregularem, aut esse pervertendam.

Quæritur 4<sup>o</sup> utrùm hæc Machina urgentibus etiam procellis ac tempestatibus usui futura sit.

R. Cum aqua dulcis hujus ope Machinæ facillimè haberi possit, quæ ejusmodi in casus mensura sufficiat, vel per malaciam vel in por-



tibus à providis nautis paranda erit. Ceterum his quoque in angustiis usui haud dubiè hæc Machina erit, atque, quæ satis sit, aquam suppeditabit: quanquam ipsa hoc in casu necessitas ad minorem solita portionem nautas compellere soleat.

Quæritur 5<sup>o</sup> num quod navi ab igne, qui necessarius erit, periculum, aut navigantibus a fumo offendiculum metuendum sit?

R. Quovis in navigio hæc Machina facillimè sic collocari potest, ut nullus ejusmodi periculi, aut offendiculi metus futurus sit.

Quæritur 6<sup>o</sup> quo hæc Machina pretio vendenda sit?

R. Vix huic adhuc quæstioni hic satisfieri potest, Machina enim ipsa pro mole majore minoreve navium, major, minorque erit: Maxima tamen, opinor, viginti ad summum Libris Anglicis constabit: Ceterum quævis per multos annos integra perseverabit.

Quæritur 7<sup>o</sup> num ingredientia magno cœmenda

menda pretio, aut spatiosum locum occupatura sint?

R. Expensæ nullius pœne momenti erunt ac perexiguæ, emolumentis ex hac aqua orituris comparatæ: quod autem ad spatium in navi occupandum attinet, dolium unicum, vel etiam dimidium his *ingredientibus* plenum itui ad Indias Orientales, redituque abundè sufficiet.

Quæritur 8º utrùm hæc aqua è falsâ in dulcem conversa sit salubris?

R. Cum hac super re celeberrimus Bacon doctissimè scripsisset, aquam marinam sale suo absque ullo noxio additamento expurgatam, ne somniavit quidem esse insalubrem; neque ullus hætenus hanc rem in dubium revocavit: ne tamen quidam publico minus bono propitii ejusmodi deinceps scrupulum movere possint, hujusce operis susceptores, ut omnibus hac super re satisfaceret, celebri doctoque medico, Collegii Medicorum, regięque societatis socio hanc

aquam speciatim examinandam permiserunt, cujus de eadem hæc fere pronunciata sunt.

1. Hæc aqua levior est plerisque aquis Londinensibus.

2. Diaphana est, omnisque expers hypostasis, seu sedimenti ut alia quævis salubris aqua.

3. Quavis aquâ nitidius, minusque ut detergat saponis requirit.

4. Saccharum cæteris citius aquis dissolvit.

5. Communi citius aquâ evaporatur.

6. Aqua communis non multos intra dies putrescens sædum expirat odorem, hæc non minus dulcis, multos post menses quam cum recens adhuc foret, incorruptaque permanet.

7. Præstantiores aqua nulla Gelatinas efficit.

8. Coquit ad teneritudinem pisa, carnem seu bovinam seu vervecinam, pisces, &c. absque ullis viciati saporis, aut coloris indicis.

9. Nullus in eadem seorsim sumptâ non laudabilis

dabilis sapor, bullitque in lacte nullo facto coagulo.

10. Crescunt in ea flores, plantæ, cæteraque vegetabilia, ipsa etiam animalcula in ea vivunt, quod certum salubritatis indicium est.

Varii denique primæ nobilitatis viri, videlicet, Comites Westmorlandiæ, Shrewsberrye, Mulgrave, Domini Falkonbridge, Lumley, Dumbar, Chomley, præter non paucos rerum maritimarum præfectos, & medicos, absque omni valetudinis suæ detrimento hanc aquam potârunt: nequis autem de salubritate hujus aquæ dubio supersit locus, testimonium Collegii medicorum Londinensis, aliorumque medicinæ doctorum hîc apponendum curavi.

*Approbatio*

*Approbatio Collegii Medicorum Londi-  
nensis, aliorumque Medicinæ Docto-  
rum.*

Cum aliquot abhinc mensibus ex publico Mercurio certiores facti essemus, inventam esse a Domino Roberto Fitzgerald artem aquæ marinæ in dulcem convertendæ, quâ necessaria navigantibus aqua suppleri facili negotio possit, ne quid vitii huic aquæ sale suo exoneratæ quisquam inesse deinceps putet, visum nobis est hac super re D<sup>m</sup> Boyle speciatim consulere: à quo abundè nobis satisfactum est: ab eo enim accepimus rem totam igne esse probatam, paucaque ea, quæ adhibentur, *ingredientia*, & igne figi, & noxia omni qualitate carere: quapropter inspectis quoque nonnullis aliis experimentis a Collegis quibusdam Societatis nostræ Regiæ factis, declaramus in eâ nos esse

mente



mente, hanc aquam sale suo sic expurgatam, esse bonam, ab omnibus absque ullo noxiæ qualitatis metu, quotidianos in usus adhiberi posse, esseque cuivis aquæ, quâ navigatores uti solent, salubritate nihilo inferiorem, quod in gratiam dicti domini Fitzgerald, ejusque rogatu, omnibus Præsentes inspecturis manifestum esse volumus.

Thomas Cox Præsēs Collegii Medicorum.

Carolus Scarburgh Eques Auratus, & M. D.

Daniel Whistler, M. D.

Gulielmus Denton, M. D.

Thomas Millington Eques Auratus, & M. D.

Thomas Allen, M. D.

Edmundus Dickenfon, M. D.

Willoubighi, M. D.

Gulielmus Croone, M. D.

Walterus Needham, M. D.

Thomas Short, M. D.

Richard Lower, M. D.

Daniel Cox, M. D.

Nehemias Grew, M. D.

Joannes Windebank, M. D.

Edmundus King, M. D.

Thomas Sydenham, M. D.

David Abercromby, M. D.

Carolus Conquest, M. D.

Jacobus Rufine, M. D.

Edwardus Tyron, M. D.

Quanquam ars medica hoc in regno nunquam non floruerit, eam tamen hoc Sæculo tum quoad Theoriam, tum quoad tutiorem praxim Socii celeberrimi Collegii Medicorum Londinensium non parùm illustrarunt: qui cum sint magni ubique nominis, Scientiaque non mediocri clari, eorum Judicio, Sententiæque super aquæ hujus Salubritate nemo prudenter repugnârit, quorum sane approbatio eò pluris facienda est, quòd non modò privatum eorum non spectet commodum, sed imminue-

re etiam videatur cum ex assidua aquarum sal-  
 farum in locis maritimis, atque inter navigan-  
 dum putrescentium computatione plurimi ge-  
 nerari possint, ac generentur reipsa morbi, qui  
 salubrioris hujus aquæ potu vel præpediri, ut  
 spes est, vel removeri poterunt.

C

*Utilitates,*

*Utilitates, emolumenta, commoda, terra, marique ex aqua marinâ in dulcem, ubi res exigit, conversâ.*

1. **S**patiosus quavis in navi locus aliis mercibus implendus relinquetur : navis proinde quinquaginta, aut sexaginta doliorum & plurium capax, graviora longè solito onera vehere poterit, quod commercium multum promovebit, maximaque navium Magistris, ac possessoribus emolumenta afferet.

2. Quanta expenditur Pecuniæ vis Coëmendis, quibus aqua vehatur, doliis? maximè si ferro colligata fuerint, quo quæ navium usus destinantur, colligari oportebit: hujus autem Machinæ beneficio tres quartæ harum impensarum supprimuntur.

3. Atterun-

3. Atteruntur pereuntque sæpe Scaphæ frequenti itū in portus, redituque aquæ dulcis conquirendæ gratiâ : unde frequens etiam nautis ebrietatis, ex quâ tot miserandi casus, offertur opportunitas : hæc autem omnia non levia sanè incommoda aqueæ hujus machinæ usus removet.

4. Coguntur sæpe naves longioribus in navigationibus a præfixâ sibi metâ aquæ dulcis penuriâ ad plurima sæpe milliaria deflectere, unde & secundos ventos negligere, & plures, quam opus sit, magnis impensis nautas alere necesse erit, quibus omnibus obviâ itur incommodis aqua salâ ipso in Navigio dulcorata.

5. Necesse sæpe habent Nautæ anchoras rudentesque deferere quod dulcis aquæ inopiâ ad periculosa scopulosaque littora accedere compulsi fuerint.

6. Cum Navigatio in Africam, in Orientalem, aut Occidentalem Indiam instituitur, in-



gentes aquarum dulcium mensuræ requiruntur, quas supra foros, quòd subtus locus plerumque desit, Nautæ statuunt. Hinc fit ut non levis Navi inter navigandum injiciatur remora, & periculo non contemnendo navis ipsa exponatur.

7. Tempore malaciæ, quæ in angustiiori mari, fretisque, ac prope Æquatorem frequentissima est, summopere utilis erit hæc Machina cujus ope aqua salubris, insalubri substituetur perfacilé.

8. Essexia, Cantium, Venetiæ, Amstelodamum, Roterodamum, cæteraque loca Maritima, quæ vel carent aquis salubribus vel solis abundant falsis, facili negotio, exiguoque sumptu aqueæ hujus Machinæ beneficio saluberrimam sibi aquam comparare poterunt.

9. Tempore Belli integris classibus hæc Machina aquam suppeditabit: eritque forte adhuc novarum rerum maximi momenti detegendarum occasio.

10. Neque

10. Neque hîc pretermittendum est, ditiores valentioresque nautas à longioribus navigationibus hætenus abhorruisse, ne & vitam, & valetudinem putrefactarum aquarum usu, manifesto exponerent periculo : cujus jam incommodi metus hujus opportunitate Machinæ omnino erit sublatus, ex quâ etiam, ut alibi insinuavi, illud commodi existet, ut naves, jam pauciores quam hætenus operarios requirere videantur : quod in non leve Navarchorum, ac Mercatorum emolumentum cedit.

Superaddimus denique omnibus hætenus dictis sigilli instar testimonium, sententiamque honorabilis R. Boylei de hujus aquæ præstantia, ac salubritate ad Amicum Conscriptam.

EPISTOLA

**EPISTOLA**  
**Honorabilis Domini,**  
**ROBERTI BOYLEI**  
**AD AMICUM**  
**Summè eruditum Doctorem, J. B.**

*De aqua marina in dulcem Conversa.*

**U**T paucis pro temporis quibus premor  
angustiis eam tibi transactionem expo-  
nam, quæ nominis mei Mercurio publico in-  
scribendi nuper occasio fuerat. Monendus im-  
primis es [cùm Dominus Fitzgerald è propin-  
quioribus mihi consanguineis, alique non infi-  
mæ notæ viri, Regi indicassent inventam a se ar-  
tem aquæ marinæ in dulcem, & salubrem, e-  
amque copiosam exiguis sumptibus converten-  
dæ

dæ remque a me totam & examinatam, &  
 summopere probatam ] ab ipso Rege perami-  
 cis, honorificisque mihi verbis imperatum esse  
 ut plenius eo super argumento coram se disse-  
 rerem : cujus mandatis continuò ut obtempe-  
 rarem [ auditis prius, quæ Rex ipse contra fa-  
 cilem ipsius Machinæ usum opposuit, objectis,  
 quibus, licet à privato homine urgerentur vali-  
 diora nulla, aut æqualibus rationum momen-  
 tis proposita fuerant ] Regi ea quâ par erat,  
 demissione dixi, novum hoc artificium duas in  
 se complecti partes, Mechanicam alteram quæ  
 ad ipsam Machinam, ejusque in navibus usum,  
 alteram Physicam, quæ ipsam ut ita loquar li-  
 quoris *potabilitatem*, atque *salubritatem* spe-  
 ctaret; facta adversus priorem a Rege ipso nec  
 levis in speciem momenti objecta non suscepi  
 diluenda, quæ ipse Machinæ inventor, operis-  
 que susceptores diluere erant parati : quod verò  
 ad posteriorem, salubritatem inquam aquæ hoc  
 arteificio præparatæ attinet, nonnulla hunc circa  
 liquorem

liquorem experimenta feceram, è quibus non modo nulla in eo insalubritatis mihi suspicio suppetebat, sed è contrà, argumenta nec pauca, nec levia quibus inducerer, ut crederem, eam omnino esse salubrem, neque solis navigatoribus fore utilem : quare cum præcipua quibus dulcoratam hanc aquam probassem, experimenta, exposuissem, placuit Regi, insinuare iis sibi satisfactum esse adunde [ eaque data occasione de mari, falsisque aquis acutissimè disseruit, novasque mihi, & quibus ulterius instruerer, circa easdem observationes subministravit ] ac denique Dominum Fitzgerald cæterosque Collegas benignissimis favoris sui specialis, ac Protectionis Regiæ promissis animatos dimisit. Superest jam ut brevi huic narrationi paucis subjungam, quibus potissimùm argumentis hujus aquæ salubritatem mihi ipse persuaserim : unde concludere quivis poterit quantum utilitatis ac commodi, ex minus sumptuosâ, facili que ejusdem præparatione in universam rempublicam redundare queat.

*Primò*



*Primò* itaque mecum ipse perpendebam omnem pœne pluvialem aquam è nubibus in Oceanum deciduam, quæ nisi forte paucis in locis iisque torridis, dubio omni procul salubris & est, & habetur, ab ipsomet mari suppeditandam, nihilque proinde aliud esse, quam aquam marinam suo sale liberam, juxta vulgatum illud, *redit agmine dulci*. *Secundò* comperi, ut Rex ipse fuerat expertus, liquorem ipsum probati esse saporis absque ullis salsedinis, quæ sensu percipi posset, indiciis : Eo porrò in statu quædam ejus mensura quintum prope mensem in ampliore ampullâ Crystallinâ perseveravit, quam consultò inobstructam reliqui, atque fere semper in fenestra meridionali, ubi non modo non putrefacta aqua est, sed ne turbida quidem aut minùs diaphana toto eo tempore apparuit : per id interea tempus eam non pauci è celebri medicorum Collegio Londinensi eruditi medici, gustârunt, probâruntque.

*Tertiò*, vim præterea peculiarem detergendi

eidem inesse animadverti, quod de plerisque aquis, antliis, eductis, aliisque quibus modicum salis communis licet impercepti inexistit, affirmari perinde nequit.

*Quartò*, hæc aqua coquit ad teneritudinem pisa, quod apud Nautas præcipuum salubris aquæ indicium est.

*Quintò*, bilancibus legitimis adhibitis, instrumentoque ad accuratam liquorum ponderationem ex præscripto meo facto, levior quam expectari à quoquam poterat, hæc aqua reperta est: Si enim omnino à pari aquæ non distillatæ mensurâ quoad pondus discrepabat [conditionalem particulam appono, in ejusmodi enim delicatioribus, ut ita loquar, experimentis, longè difficilior quam inexperti sibi fingant, extrema accuratio est] discrepantia certè notabilis non erat, cum quadringentesimam inter, & quingentesimam ponderis aquæ communis partem quasi media consisteret: quod sano discrimen exiguum ac pæne nullum est, si ei comparetur quod

quod tum Navigatores, tum Authores eruditi in aquis naturalibus salubribus, ac potui idoneis observatum aiunt.

Non foret jam abs re hîc loci addere, p o  
stremum magnum Florentiæ Ducem, qui Prin-  
ceps erat ingeniosissimus, ac celebris lynceorum  
Philosophorum Academiæ patronus, inter alia  
valetudinis suæ causâ, de quâ mirè sollicitus e-  
rat, usurpata, distillatam perpetuo potasse a-  
quam. Alia insuper in hujus aquæ operisque hu-  
jusce susceptorum commendationem annectere  
mihi prounum foret, si ita nunc expedire judica-  
rem, aut non esset mihi properandum ad præ-  
cipui quædam momenti, quibus de hujus aquæ  
insipiditate tam mihi constat, quàm de quò  
maximè.

Sextò, denique memineram præcipuum  
eorum scopum qui variis temporibus, variis-  
que in regionibus aquæ marinæ dulcorationem,  
aggressi fuerant, & quod maximè requireba-  
tur tot promissis, inventoribus hujus arcani

præmiis, nihil aliud fuisse quam ut aqua marina absque ullo noxio additamento sale suo expurgaretur : in confesso enim apud omnes semper erat solam aquæ marinæ, nè potabilis fieret, falsedinem prohibere : unde in commendationem hujus aquæ, novo hoc artificio præparatæ concludere mihi & necesse & proum erat : cùm enim jampridem brevem de falsedine maris dissertationem conscripsissem, varias, laboriosâque industriâ aquarum quâ falsarum inter se comparandarum methodos excogitaveram, quibus comperi eam, de quâ nunc aquam minus in se continere communis salis, quam contineant aquæ, quibus populus Londinensis vulgò utitur ad potum : cujus rei, hujus, memini, negotii susceptoribus experimentum aliquando, quo attoniti simul & convicti forent, ostendi : quod autem ad me ipsum spectat satisfactum mihi abundè fuit quodam præcipue experimento, quod studiose summâque curâ feci, sed certo quodam modo, cu-

jus

jus coram Rege mentionem feci, licet, quod necdum sese obtulerit occasio, non detexerim : quocirca debitâ tanto principi Reverentia prohibeor, ne absque ejusdem facultate publici eum juris faciam : sat interim tibi in præsens fuerit duo doceri, alterum est hac experimenti faciendi ratione, quod forte mirum videri possit, si vel unicum pluribus quam geminis aquæ uncii salis inesset granum, illud promptè à me detegendum; alterum est, hoc etiam critico examine, trutinâque quantumvis severâ, ne millesimam quidem salis partem in aquâ nostrâ præparata repertam esse : Cùm tamen experimento hanc in rem consulto diligenterque factò Anglicam nostram aquam marinam quadragesimam quartam, aut quadragesimam quintam communis salis ficci partem, in se continere, vel quod eodem recidit, quadraginta quatuor pintas, seu Chenopinas, aut totidem propemodum aquæ Marinae libras, unam fere communis ficci salis libram suppeditare compererim.

Hactenus

Hactenus quantum temporis angustia ac res ipsa postulabant, meas in promovendo utilissimo hoc adinvento partes exposui, quod promoveri quàm maximè velim, non ullius privati inde commodi spe [ quanquam illud mihi perurbanè à susceptoribus oblatum fuerit ] sed quod ejus omnino sententiæ sim, generalem ejus usum humano generi fore perquam utilem, variâque allaturum commoda, quæ licet per otium liceret, homini adeo oculato enumerare supervacaneum foret.

Tibi Addictissimus

R. Boyle.

ADMONITIO.



---

## ADMONITIO.

---

**C**um publici hujus boni promovendi cura, Regiaque Patentes concessæ sint honorabili Domino, Roberto Fitzgerald, Domino Oglothorpe legionis Magistro, Domino Bridgman, Domino Thomæ Meall, Domino Patritio Grant qui publicæ æque ac suæ intenti utilitati, editis hisce in lucem Schedis, parati erunt cum quovis pacisci de ipsâ quâ aqua dulcis extrahitur, Machinâ, ingredientibusque necessariis, quæ cum valetudinem, ipsamque adeo vitam tam prope spectent, eâ præparabuntur curâ, eoque distinguentur sigillo, ut ea nemo imitari possit.

Si qua igitur Communitas, aut Corporatio, seu privatus quispiam, prædictos quos superius nominavi hujus operis Collegas hac super re convenire voluerit,

luerit, litteras suas c  
que, vel ad Garrow  
gii Emporii, seu Bur  
fæam in Coventual  
Bau, vel ad Joha  
Brooks Street prope  
scriptas supradictis op  
num susceptoribus L  
scripto rcepturi sunt.

F

GL  
UNI

LI

cuius eorum inscribat, mittat-  
 vays Cossam, è regione Re-  
 giae, vel ad Willis Cof-  
 ali Horto, viaque dicta vulgò  
 annem Pye in viâ vulgò dictâ  
 e Holburnum: qui omnes in-  
 operis huiusce, publicum in bo-  
 Litteras ex eorumdemmet præ-

I N I S.  
 GLASGOW  
 UNIVERSITY  
 LIBRARY